

Siunnersuummut nassuiaatit

Nassuiaatit nalinginnaasut

1. Aallaqqaasiut

Akitsuutit Nioqutissanik eqqussuinermi akitsuutit pillugit Inatsisartut inatsisaanni kaffinut, tiinut timmissanillu nerisassanut akitsuusiunneqartut 2022-mut aningaasanut inatsimmi oqaasertaliussatigut (konto pingaarneq 24.11.10 Eqqussuinermi akitsuutit) atorunnaarsinneqarallarput.

Akitsuutinik atorunnaarsitsigallarneq taanna taamaallaat 2022-mut atuuppoq.

2022-mi ukiakkut ataatsimiinnermi Nioqutissanik eqqussuinermi akitsuutit pillugit Inatsisartut inatsisaata allangortinneqarnissaa pillugu Inatsisartut inatsisaattut siunnersuummik saqqummiussisoqarnissaa ilimagineqartoq, oqaasertaliussanut nassuiaatini allassimavoq.

Siunnersuut taanna naapertorlugu saqqummiunneqarpoq, kaffillu, tiit timmissallu nioqutissat eqqunneqarneranni akitsuuteqartinneqannginnerat nanginneqarluni ataavartunngortinneqarnera kinguneralugu.

Naalagaaffimmi oqartussat nunallu allamiut qamutit motoorillit, ilaatigut naalagaaffiit pisortaasa kunngikkormiullu tikeraarnerannut atatillugu isumannaallisaanermut patsiseqartumik Kalaallit Nunaannut eqqukkallagaat, malittarisassat atuuttut malillugit akitsuuserneqartarput. Nunatta karsia qamutinik motoorilinnik isumannaallisaaneq pillugu Kalaallit Nunaannut eqqunneqarallartunik iluanaaruteqartarnissaa aallaavittut siunertaanngilaq.

Inatsimmi atuuttumi § 3, nr. 1-ip inissitsiterneru kukkuneqarpoq. Taamaammat aalajangersakkap oqaasertalerneqarnera allangortinneqassasoq siunnersuutigineqarpoq.

2. Siunnersuummi immikkoortut pingarnerit

Siunnersuutigineqarpoq kaffinik, tiinik timmissanillu nioqutissanik eqqussuinermi akitsuutip atorunnaarsinneqarnera ataavartunngortinneqassasoq.

Ulluinnarni nioqutissanut taamaattunut akitsuutinik atorunnaarsitsineq pingaartumik innuttaasunut isertitakitsunut atugassarititaasut oqinnerulersinnissaannik siunertaqarpoq.

Qamutit motoorillit akitsuuserneqartussaataasut (biilit il.il.) qallunaat nunaniluunniit allani oqartussat naalagaaffik sinnerlugu tikeraarnerannut il.il. atatillugu atornissaannut eqqunneqartut, eqqussuinermi akitsuuserneqartannginnissaannik periarfissap atulersinneqarnissaa siunnersuutigineqarpoq. Qamutilli motoorillit eqqunneqarnerminnit ullut 30-t qaangiutsinnagit anninneqarnissamut aalajangiunneqarsimassasoq

tunngavissaatinneqarpoq. Aalajangersagaq assersuutigalugu isumannaallisaaneq eqqarsaatigalugu qamutit motorillit immikkut ittut eqqunneqarnissaat naapertuuttuutillugu atorneqartussatut eqqarsaataavoq.

Nioqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 23, 18. november 2019-imeersumi immikkoortuliinermi kukkusoqarsimavoq. Kukkunerup aaqqinneqarnissaa siunnersuutigineqarpoq.

3. Pisortanut aningaasaqarnikkut allaffissornikkullu kingunerisassat

Kaffinut, tiinut timmiaatinullu nioqutissanik eqqussuinermi akitsuutip atorunnaarsinneqarnera iluanaarutit 5,7 mio. kr.-nik annikillisissagai naliliisoqarpoq. Iluanaarutissat annikillinissaat taanna 2022-mut Aningaasanut inatsimmi aammalu 2023-mut aningaasanut inatsisissatut siunnersuummi ilanngunneqareerput.

Siunnersuutit sinneri aningaasatigut kinguneqassanganneqanngillat.

Siunnersuut pisortanut sukumiisumik allaffissornikkut kingunerisassaqarnissaa naatsorsuutigineqanngilaq.

4. Inuussutissarsiortunut aningaasaqarnikkut allaffissornikkullu kingunerisassat

Siunnersuutip inuussutissarsiortunut sukumiisumik aningaasaqarnikkut allaffissornikkullu kingunerisassaqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut imaluunniit pinngortitamut sunniuteqassanngilaq. Siunnersuut aamma inuit peqqissusaannut tunngatillugu kingunerisassaqanngilaq.

6. Innuttaasunut kingunerisassat

Siunnersuut innuttaasut aningaasaqarnerannut annikinnerusumik iluaqusiissasoq nalilerneqarpoq.

7. Kingunerisassat annertuut allat

Siunnersuut allanik kingunerisassaqanngilaq.

8. Oqartussanut kattuffinnullu il.il. tusarniaaneq

Siunnersuutip § 1, nr. 1-ia 11. majimit 7. junimut 2022-mi soqutigisaqaqatigiinnut ukununnga tusarniaassutigineqarpoq:

Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Nunatsinni Advokaatit, SIK, Sulisitsisut, AK, IMAK, NUSUKA, Naalakkersuisut Siulitaasuata Naalakkersuisoqarfia, Inuusutissarsiornermut Niuernermullu Naalakkersuisoqarfik, Nunanut Allanut Naalakkersuisoqarfik, Aasitassanut Inatsisillu Atuutsinneqarnerannut Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut, Suliffeqarnermut Nunamullu Namminermt Naalakkersuisoqarfik, Ilinniartitaanermt, Kultureqarnermt Timersornermt Ilageeqarnermullu Naalakkersuisoqarfik, Peqqinnissamut Naalakkersuisoqarfik, Nunalerinnermt, Imminut Pilersornermt, Nukissiutitut Avatangiisinullu Naalakkersuisoqarfik, Ineqarnermt Attaveqaasersuutinullu Naalakkersuisoqarfik aamma Meeqqanut, Inuusuttunut Ilaqutariinnullu Naalakkersuisoqarfik.

Siunnersuut tamatuma saniatigut piffissami taaneqartumi tusarniaanermut nittartakkakut pissarsiarineqarsinnaavoq.

Siunnersuutip § 1, nr. 2 aamma 3 ulluni 10. junimit 8. juli 2022-mut ukununga tusarniaassutigineqarpoq: Kommuneqarfik Sermersooq, Kommune Kujalleq, Qaasuitsup Kommunia, Qeqqata Kommunia, Sulisitsisut, NUSUKA, SIK, Inuusutissarsiornermt, Nukissiuteqarnermullu Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Ilinniartitaanermt, Kulturimut Ilageeqarnermullu Naalakkersuisoqarfik, Isumaginninnermt Inatsisillu atuutsinneqarnerannut Naalakkersuisoqarfik, Aalisarnermt, Piniarnermt nunalerinnermullu Naalakkersuisoqarfik, Ineqarnermt Attaveqaqatigiinnermullu Naalakkersuisoqarfik, Aasitassanut, Suliffeqarnermt Nunamullu Namminermt Naalakkersuisoqarfik, Nunanut allanut tunngasunut Naalakkersuisoqarfik kiisalu Nukissiorfiit.

Tamatuma saniatigut siunnersuummi § 1, nr. 2 aamma 3 piffissami tassani tusarniaanermut nittartakkakut quppernermi saqqumitinneqarpoq.

Tusarniaanermut akissutit tiguneqartut pingaarnerit ilanngussaq 2-mi matuma kingulianiittumi eqqartorneqarput oqaaseqarfigineqarlutillu.

Aalajangersakkanut ataasiakkaanut nassuiaatit

§ 1-imut

Nr. 1-imut

Kaffinik, tiinik timmissanillu nioqutissanik eqqusuinermut akitsuut atorunnaarsinneqassasoq siunnersuutigineqarpoq.

Nr. 2-mut

Aalajangersagaq qamutit motorillit akitsuuserneqartussaataasut (biilit il.il.) qallunaat nunaniluunniit allani oqartussat naalagaaffik sinnerlugu tikeraarnerannut il.il. atatillugu atornissaannut eqqunneqartut, eqqusuinermi akitsuuserneqartannginnissaannik periarfissap atulersinneqarnissaa siunnersuutigineqarpoq. Qamutilli motorillit eqqunneqarnerminnit ullut 30-t qaangiutsinnagit anninneqarnissamut aalajangiunneqarsimassasoq tungavissaatinneqarpoq.

Assersuutigalugu isumannaallisaaneq pillugu qamutininik motorilinnik immikkut ittunik eqquassinissap naapertuussinnaaneranik pisoqarneranut aalajangersagaq sammitinneqarpoq. Naalagaaffinnut tikeraarnerattut paasineqassaaq naalagaaffiit qullersaasa tikeraarnerat, aammali ministerit nunaminnulluunniit pisortatigoortumik sinniisut allat tikeraarneri aamma ilaatinneqarput.

Nr. 3-mut

Matumani allanneqarneranik aaqiineq kisiat pineqarpoq. Nioqutissanik eqqusuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 23, 18. november 2019-imeersumi immikkoortuliinermi kukkusoqarsimavoq.

§ 2-mut

Inatsisartut inatsisaat ulloq 1. januar 2023 atuutilissasoq siunnersuutigineqarpoq.

Siunnersuutip inatsimmut atuuttumut sanillersuunnera	
<i>Oqaasertat maanna atuuttut</i>	<i>Siunnersuut</i>
	§ 1
	Nioqqutissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersumi, kingullermik Inatsisartut inatsisaanni nr. 23, 18. november 2019-imeersumi allanngortinneqartumi, uku allanngortinneqarput:
<p>§ 1. Akitsuuteqarfiusumut nioqqutissanik eqqussuinermi, takuuk nioqqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumi § 6, landskassmut nakkartussanik makku akitsuutaassapput:</p> <p>Nr. 1. ...</p> <p>Nr. 11. Kaffit kaffeeqqat kaffiliassallu kg.-mut 6 kr. 00 øre,</p> <p>Nr. 12. Tiit, tiiliassallu allat kg.-mut 6 kr. 60 øre,</p> <p>Nr. 16. Timmisat neqaat nutaat, nillataartitat imaluunniit qerititat, nioqqutissat allattorsimaffianni kapitali 02.07-imi allassimasut, ilanngunnagilli tinguit, nioqqutissat allattorsimaffianni makkunani allassimasut, 0207.31.00.0, 0207.39.90.0, 0207.50.10.0 aamma 0207.50.90.0 kg.-mut 3 kr. 50 øre</p> <p>Nr. 17.</p>	<p>1. § 1, imm. 1-imi, nr. 11, 12, 16 aamma 17, atorunnaarsinneqarput. ” Nr. 17.</p> <p>Nioqqutissat allat nr. 13-imiit 16-imut allassimasut, piariikkat imaluunniit aqerlortikkat,</p> <p>a) savaaqqat savallu neqaannit nioqqutissiat, nioqqutissat allattorsimaffianni makkunani allassimasut, 1602.10.00.0, 1602.90.71.0.10 aamma 1602.90.79.0.10 kg.-imut 25 kr. 00 øre.</p> <p>b) nersussuit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.50.10.1-imiit 1602.50.90.9 ilanngullugu aamma 1602.90.61.0 kiisalu 1602.90.69.0-imi kg.-imut 4 kr. 00 øre,</p> <p>c) puulukit neqaannit nioqqutissiat, nioqqutissat allattorsimaffianni makkunani allassimasut, 1602.10.00.0 kiisalu 1602.41.10.1-imiit 1602.49.90.0 ilanngullugu kiisalu 1602.90.51.0-imi kg.-imut 2 kr. 00 øre.</p> <p>d) pølsit sulluunniit, tamatumani ilaallutik tingummit aammillu pølsiliat, nioqqutissat allattorsimaffianni kapitali 16.01-imi</p>

<p>Nioqqtissat allat nr. 13-imiit 16-imut allassimasut, piariikkat imaluunniit aqerlortikkat,</p> <p>a) savaaqqat savallu neqaannit nioqqtissiat, nioqqtissat allattorsimaffianni makkunani allassimasut, 1602.10.00.0, 1602.90.71.0.10 aamma 1602.90.79.0.10 kg.-imut 25 kr. 00 øre.</p> <p>b) nersussuit neqaannit nioqqtissiat, nioqqtissat allattorsimaffianni makkunani allassimasut, 1602.10.00.0 kiisalu 1602.50.10.1-imiit 1602.50.90.9 ilanngullugu aamma 1602.90.61.0 kiisalu 1602.90.69.0-imi kg.-imut 4 kr. 00 øre,</p> <p>c) puulukit neqaannit nioqqtissiat, nioqqtissat allattorsimaffianni makkunani allassimasut, 1602.10.00.0 kiisalu 1602.41.10.1-imiit 1602.49.90.0 ilanngullugu kiisalu 1602.90.51.0-imi kg.-imut 2 kr. 00 øre.</p> <p>d) pølsit sulluunniit, tamatumani ilaallutik tingummit aammillu pølsiliat, nioqqtissat allattorsimaffianni kapitali 16.01-imi allassimasut kg.-imut 3 kr. 00 øre.</p> <p>e) tingunnit nioqqtissiat, nioqqtissat allattorsimaffianni 1602.20.10.0-imi aamma 1602.20.90.0-imi allassimasut kg.-imut 2 kr. 50 øre.</p> <p>f) timmissanit nioqqtissiat, nioqqtissat allattorsimaffianni 1602.10.00.0-imi kiisalu 1602.31.11.0-imiit 1602.39.90.0 ilanngullugu allassimasut kg.-mut 3 kr. 50 øre.</p>	<p>allassimasut kg.-imut 3 kr. 00 øre.</p> <p>e) tingunnit nioqqtissiat, nioqqtissat allattorsimaffianni 1602.20.10.0-imi aamma 1602.20.90.0-imi allassimasut kg.-imut 2 kr. 50 øre.”</p>
	<p>2. § 2 imm. 5-itut ivertinneqassaaq: ” <i>Imm. 5.</i> Qamutit motoorillit akitsuuserneqartussaataitasut naalagaaffimmi oqartussanit nunaniluunniit allani oqartussanit naalagaaffimmi tikeraarnermut il.il. atatillugu atorneqartut,</p>

	qamutit mootorillit eqqunneqarnerminnit kingusinnerpaamik ullut 30 qaangiunneranni anninneqartussatut aalajangikkanut akitsuuteqanngitsitsisoqarsinnaavoq.”
<p>§ 3. Akitsuuserneqartussaangitsut makkuupput:</p> <p>1)</p> <p>d) maskiinat sulinermi atortut traktorillu</p> <p>e) naalagaaffiit allat aallartitaqarfiinit konsuuleqarfiinilluunniit sulisunit tikisitanit pigineqartut, aamma</p> <p>f) biilit nunakkoortit mikinerit sisamanik amerlanernilluunniit assakaasullit (ATV, UTV assigisaallu).</p> <p>d) maskinat sulinermi atortut traktorillu,</p> <p>e) naalagaaffiit allat aallartitaqarfiinit konsuuleqarfiinilluunniit sulisunit tikisitanit pigineqartut.</p>	<p>3. § 3, nr. 1, litra d-f ima oqaasertalerneqassaaq:</p> <p>”d) sulinermi atortut nammineq ingerlasut traktorillu,</p> <p>e) naalagaaffiit allat aallartitaqarfiinit sinnisoqarfiinilluunniit pigineqartut, aamma</p> <p>f) qamutit mootorillit nunaannakkoortaatit minnerusut sisamanik amerlanernilluunniit assakaasullit (ATV, UTV il.il.).”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2023 atuutilerpoq.</p>

Tusarniaanermut allakkiaq

Siunnersuutip § 1, nr. 1-ianut Aalisarnermut Piniarnermullu Naalakkersuisoqarfimmit, Kommune Kujallermit, Ineqarnermut Attaveqaqatigiinnermullu Naalakkersuisoqarfimmit, Aatsitassanut Inatsisillu atuutsinneqarnerannut Naalakkersuisoqarfimmit, Peqqissutsimut Naalakkersuisoqarfimmit, Sulisitsisunit, Naalakkersuisut Siulittaasuata Naalakkersuisoqarfianit, AK-mit IMAK-millu tusarniaanermut akissutinik tigusaqartoqarpoq.

Tusarniaanermut akissuteqartut arlaannaalluunniit kaffinut, tiinut timmissanillu nioqqutissianut akitsuutip atorunnaarsinneqarneranut siunnersuummut oqaatigisassaqaanngillat.

Siunnersuutip § 1, nr. 2 aamma 3-mut Nukissiorfinnit, SISA-mit, Bjørn Bjerregaardimit, Aalisarnermut Piniarnermullu Naalakkersuisoqarfimmit, Deloittemit, Grønlands Revisionimit, Grønlandsbankenimit, Sulisitsisunit, Thomas Riisimit il.il., Nunalerinermut Imminut Pilersornermut, Nukissiutinut Avatangiisinullu Naalakkersuisoqarfimmit, Per Chemnitzimit, AutoNordimit, Kommune Kujallermit kiisalu Ineqarnermut Attaveqaqatigiinnermullu Naalakkersuisoqarfimmit tusarniaanermut akissutinik tigusaqartoqarpoq.

Tusarniaanermut akissuteqartut arlaannaalluunniit allannguutissatut siunnersuutigineqartunut oqaatigisassaqaanngillat.